

本城地理

江蘇省會警察廳教練所講義

九  
十  
十

MG  
D603.65  
200



3 2168 9984 3

# 本城地理

緒言

本城地理胡爲而作也既非爲鋪張文物修陳鉅製鴻規又非爲記載事蹟供諸証據今者

感念輿懷之具則爲學科所在無疑矣本廳編輯是書專爲教練警生而設凡在警界者及

盛名古跡均所不取惟關於警察者悉備載焉夫地理之關係於警察者凡全國之形勢區

域之界劃國防之險要以及鑛山之多寡森林之疎密田野之墾闢河川之長短衝衢之寬

窄道路之通塞諸大端皆宜洞明其大勢且各地方風土人情社會習慣尤必考究詳細而

後推行警政乃可因地制宜不致有種種之窒碍是地理之關係於警察不獨南京而已也

溯自民國成立以來南京曾爲政府臨時地點共和政治發軔於茲而警察握內政之主腦

其改良進行尤爲各省觀瞻之地使身在警界者於地方風土人情社會習慣咸懵昧而無


所知欲求其因地制宜以期臻於完善者弗可得矣是則本城地理之關係於警察固誠重

要之科也已

然則地理祇就南京一隅而言而各屬不與焉毋迺太狹乎曰此非爲普通教科而設乃專

爲警生裨日服務本城地點且爲其初基而言也爰述是編提綱挈領分列各表以爲諸生

研究之助庶異日實地練習不至茫然無措云爾



## 第一章 地名之沿革

本地在春秋以前屬揚州之域至周元王時越滅吳城金陵之長千里顯王時楚敗越城名顯曰爲金陵邑此金陵名縣之所由也秦時改名爲秣陵縣三國時吳大帝建都於此改名爲建業縣晉武帝時分置建業臨江二縣尋改爲江寧縣又改爲建康縣隋改爲蔣州唐改爲白下縣又改爲昇州五代時爲金陵府治又爲江寧府治宋爲建康府治元爲集慶路治明太祖建都於此定名爲應天府治成祖遷北京乃以此地爲南京府滿清入關改名爲江寧府治自唐肅宗上元二年改江寧縣爲上元是爲本地名上元之始五代南唐時又於上元分置江寧是爲本地以上元江寧兩縣分治之始民國成立此地曾爲臨時政府地點於是易江寧而名南京又以省會無須兩縣分治遂併省上元而爲江寧矣

## 第二章 本城區域及其形式

本地之城明初都城也建於明太祖洪武二年九月至六年八月始成因楊吳舊城（五代時楊行密據有吳地自稱吳王歷史家稱楊吳以別之）而開拓其東北兩面其形式非長非圓非方非角原不可以一切之形相舉似狀態奇特爲各處城垣所罕有吳舊城本略存方式周迴祇二十餘里今則東面自通濟門起拓於舊者始過三分之二北面所拓則比舊城加增二倍而西北面又以包盧龍山在內之故另外突出一角牆垣曲屈週圍共九十六

里其東南西北諸門除洪武門正陽門外無一門對正門者舊時之門共有十五在南方者三其明故端門（俗稱午朝門）相值者曰洪武門與秦淮水入城之東水關相近者曰通濟門正對石子山者曰聚寶門（俗謂之南門）在東方者二去明故東安門不遠者曰朝陽門龍膺子下正界中湖後湖之間者曰太平門在西方者六與秦淮水出城之西水關相近者曰水西門與石城近者曰漢西門當清涼山之下者曰清涼門當棉花藥局之西者曰草場門當四望山之下者曰定淮門當盧龍山西爲通下關之要道者曰儀鳳門在北方者四對於儀鳳門東出者曰小東門正對鍾山者曰鍾阜門在後湖之西北方者曰神策門前隔後閉今開之以通寧省鐵路火車者曰金川門此十五門者鍾阜小東清涼定淮草場五門則久已封閉未經通行又有豐潤門者界於神策太平二門之間東面元武湖爲前清端方所闢以隨後湖爲地方人民便於遊覽起見端係直隸豐潤縣人故以名門亦紀念好名之意也又海陵門者界於儀鳳定淮之間乃前巡按使韓國鈞任內爲開拓下關商埠起見特開此門以便起運土方之用此二門者皆不見於記載乃在十五門之外者統計現在通行之門共有十二門焉明太祖又於城外建立郭門一十有八曰堯化門曰舜欽門曰仙鶴門麒麟門曰大馴象門曰小馴象門曰鳳臺門滄波門高橋門曰雙橋門曰上方門曰夾岡門曰大安德門曰小安德門曰江東門曰佛窰門曰上元門曰觀音門此十八門者祇有門闕而

無城垣蓋其區劃已定而建築尙付闕如至今空有地名而門關基礎亦復或有或無不能指其形勢揆其始意非不欲包裹山巒形勝以爲莫大之宏規迨其後籌畫艱難又未幾而燕王南下遂定都於北京故此事中輟夫國家建都之地當聚形勝之區此中外皆然者也中國自來建都均取居高臨下以爲有高屋建瓴之勢故往古京師多在西北如長安北京爲自古帝王之居近世歐洲各國多取近於江海以其輪船往來交通便利消息靈通易於控制此則今昔時代之不同也往時控制之法不外陸軍故擇人民壯健之區爲強本弱枝之計今則航海揚山如履門闕近代火車輕捷倍勝輪船全球鐵軌如網如織是又不必專取江海之區而惟以交通便捷爲主也

又有所謂駐防城者卽俗所謂皇城也因明內城之舊東南二面卽以外城爲城西北二面舊築有城今已圯毀其形勢南自涌濟門之東起經大中橋東轉循濠河東岸北行至竺橋止爲西面城址自竺橋之南折而向東循環場至太平門與後宰門交通之大路稍斜向東南盡於半山寺後前河通內城之暗水爾止爲北面城址其地前爲旗營另立一區今則駐防散居各處城內荒涼戶口稀少已隸屬東區界劃之中矣

### 第三章 巡警區劃界

本城巡警區分爲六區曰東區曰南區曰西區曰北區曰中區曰下關區而每區又各立分

駐所其分駐所多寡不一東區則設四分駐所全在城內南西二區亦各設四分駐所其二區第四分駐所則皆設在城外北區設三分駐所皆在城內查北區先前亦係四分駐所後因第四分駐所設在城外與下關區接近遂改隸於下關區其餉仍係北四之原餉下關遠在城外僅設二所此編制之大概也至其劃分所以不同之故蓋因西南兩城外市肆繁盛居民稠密而又通南鄉東鄆之孔道往來者絡繹不絕而又未便另立一區故移置分駐所於茲以資保衛若下關區全在城外則以下關爲金陵咽喉之地輪舶火車交頽繁數兼之商埠開闢中外雜居故非獨立一區不足以資處理地方各政務此分布之因地勢而然也考其面積則北區東區在城內所占較廣然二區地曠人稀其所管轄之戶口曾不及西南二區之多惟中區南區所占面積少而戶口多且重要官署皆在界內北區戶口雖少而駐防之軍隊及各國領事署並僑商寄居者多一有不慎則易起交涉是戶口雖少而責任似更加重此則分劃區域酌盈劑虛之道也以上警察分區之大畧情形至區域之界址以及分駐所並派出所及消防隊分駐所之地點要不可以不辨試分述如下

東區警察署駐紫貢院街即舊時提調堂（前清鄉試時爲外藩調駐紫監視之所）所轄地方面積計三十五里三十分之一其地東面自朝陽門迤南沿城垣西行達洪武門至通濟門外與南區爲界沿通濟門城垣迤南順東關頭東花園經茉莉園西行出烏衣巷過文德

橋經貢院西街循奇望街東行經針巷南口過淮清橋北轉入四象橋東轉包邀貴井北行經中正街至中區之五馬街口再北行與中區以花牌樓爲界凡東西街巷抵於花牌樓者皆屬東區自花牌樓迤南直行之街皆屬中區又東行出利濟巷沿鐵路橋迤東至太平橋斜經御史廊抵太平門東轉沿城垣至朝陽門此東區界線之大畧情形也

東區第一分駐所駐紮在貢院前其所設派出所之地點統計有四曰東花園姚家巷奇望街東關頭等處是也至於面積界線自東水關南行沿城垣至蓮子營東首城根止折西行經蓮子營循菜荊園向北斜出烏衣巷過文德橋歷夫子廟轉貢院西街折而東行奇望街由針巷至四象橋止復沿四象橋河道經淮清橋達東水關止此東區第一分駐所之區域界劃也

東區第二分駐所駐紮在中正街其所設派出所之地點統計有三曰東釣魚巷中正街太平巷等處是也至於面積界線自復成橋南行循河道經大中橋過淮清橋至四象橋止復自四象橋東行歷邀貴井北行經中正街至五馬街口北行門帘橋太平街止折而東行經常府街至復成橋止此東區第二分駐所之區域界劃也

東區第三分駐所駐紮在紅花地其所設派出所及消防隊分設之地點統計有五曰天津橋太平橋常安街五老橋四處爲派出所曰科巷爲消防隊第二分駐所等處是也至於面

積界線自竺橋循河道南行至復成橋止由復成倉西行抵花牌樓吉祥街北行歷大行宮東街經利濟巷北轉沿鐵道至太平橋迤北之鐵道橋止復沿鐵道橋之河道東行至竺橋止此東區第三分駐所之區域界劃也

東區第四分駐所駐紮在半邊橋其所設派出所地點統計有六曰通濟門關帝廟洪武門朝陽門太平門午朝門等處是也至於面積界線自朝陽門南行循城垣西轉歷洪武門經通濟門至東水關河道北行經大中橋復成橋天津橋竺橋東北斜行沿河溝至御史廟順小豬斜行至太平門止折而東行循城垣至朝陽門止此東區第四分駐所之區域界劃也按東區地段其在駐防城者戶口稀少而在大中橋迤西南者人民繁盛兼之鈞魚巷爲娼妓麇聚之所號爲難治此東區全界之大畧情形也

南區警察署駐紮大四福巷(卽舊時藩庫廳公署)所轄地方面積一十五里二分之一其區域界線東面起自奇望街西口南行經狀元境穿敦敦營全福巷斜穿至東牌樓過武定橋轉鈔庫街入堂子巷東轉經長生祠審檢廳再東出蓮子營南口東達城根止復沿城根南行西轉過聚寶門西沿城垣經胡園至高崗里口折而北行循鳴羊街倉門口至上浮橋斜行彩霞街東轉坊口行口黑郎街承恩寺奇望街此南區在城內之界區劃域也至城外則東起自通濟門南經火藥局折而西行過製造局斜行經雨花台再西經劉園折西北至



五桂橋又西北至賽虹橋與西區等四分駐所連界此南區界綫之大概情形也

南區第一分駐所駐紮在鐵作坊其所設派出所之地點統計有三曰顏料坊道署街信府河等處是也至於面積界綫自奇望街西口南行經狀元境穿數墩營全福巷出東牌樓武宅橋達信府河至南門大街折而西入三坊巷過上浮橋穿彩霞街轉坊口黑廊街承恩寺至奇望街止此南區第一分駐所之區域界劃也

南區第二分駐所駐紮在船板巷其所設派出所及消防隊分設之地點統計有四曰皇册庫釣魚台高崗里三處爲派出所曰長樂街爲消防隊第五分駐所等處是也至於面積界綫自三坊巷東口南行經南門大街至聚寶門止其南面自城門口西行沿城垣至高崗里北行循鳴羊街倉門口仙鶴街門鷄關五閘廳小府巷至上浮橋止北面自上浮橋循顏料坊至三坊巷東口止此南區第二分駐所之區域界劃也

南區第三分駐所駐紮在水左管其所設派出所之地點統計有二曰新發口張家衙等處是也至於面積界綫自蓮子營東首城根沿城垣南行西轉至南門口折而東北循膺福街經大油坊巷過武定橋口入鈔庫街南轉進堂子巷由琵琶巷東行歷長生祠審檢廳東至蓮子營城根止此南區第三分駐所之區域界劃也

南區第四分駐所駐紮在聚寶門外南城崗(城捕廳故址)其所設派出所之地點統計有

二曰通濟門外大街聚寶門外小市口等處是也至於面積界線自通濟門外與東四分駐所以城垣爲界南循馬路過九龍橋經七里街火藥局止其南面則自火藥局西行經養虎巷包製造局斜行至雨花台再西北行至劉園復西行至五桂橋又西北至賽虹橋與西四分駐所分界此南區第四分駐所之區域界劃也

按南區地面居民稠密而門東門西界內機戶居其多數此種工業均係青年有力半屬流氓性質動輒羣聚鬥毆欺壓良懦實爲地方之害前清時代對於此等人民目爲流氓一經犯案則盡法懲治然懲者自懲而犯者仍犯獨自警察成立以來此等人民稍爲斂跡以警察皆臨時隨事能干涉之該流氓無所施其伎倆此南區之大略情形也

西區警察署駐紮七家灣所轄地方面積共計三十九里十分之七其地東起魚市街（與北區毗連）南行經北門橋歷估衣廊糖坊橋至大小豐富巷達高井折而東行下街口南轉循舊橋評事街穿彩霞街稍斜過上浮橋迤南折西經小府巷歷五間廳過鬪鷄閣循仙鶴街倉門口鳴羊街至高崗里西行沿城垣至萬竹園城根北行復沿城垣至西水關經水西門漢西門清涼山草場門東折經陰陽營朝陽庵循湖市口吉兆營至魚市街此西區在城內之界線其所轄城外則北自草場門南自虹橋西至江東門皆其所轄區域此西區界線之大概情形也

西區第一分駐所駐紮在螺絲灣其所設派出所之地點有六曰雙石鼓大豐富巷估衣廊焦狀元巷龍蟠里漢西門城圈等處是也至於面積界線自魚市街南行經北門橋歷估衣廊糖坊橋至小豐富巷口止南面界線小豐富巷起西行螺絲灣循牌樓街至漢西門城門止其西面界線沿漢西門北行經清涼山至草場門東行經陰蕩營朝陽庵小路折西南行循綢市口轉東至吉兆營東口抵魚市街此西區第一分駐所之區域界劃也

西區第二分駐所駐紮在隆善坊其所設派出所及消防隊分設之地點統計有五曰朝天宮鼎新橋水西門城圈柏菓樹四處為派出所曰下街口為消防隊第四分駐所等處是也至於面積界線自大豐富巷起南行經高井折而東循下街口南轉經管橋評事街穿彩霞街稍斜至上浮橋止其南面界線沿上浮橋河道西行經下浮橋直達西水關止其西面界線自西水關沿城垣北行至漢西門城門止其西北面界線自漢西門循牌樓街東行經螺絲灣天主堂至小豐富巷東口此西區第二分駐所之區域界劃也

西區第三分駐所駐紮在五福街其所設派出所之地點有五曰菱角市杏花村倉頂小膠巷渡船口等處是也至於面積界線自上浮橋起迤南折西經小府巷歷五間廳過門雞關循仙鶴街倉門口鳴羊街至高崗里止其南面界線自高崗里西行沿城垣至葛竹園城根止其西面界線自葛竹園城根北行沿城垣至西水關止其北面界線自西水關下浮橋河

道東行至上浮橋此西區第三分駐所之區域界劃也

西區第四分駐所駐紮在水西門外瓦廠街其所設派出所之地點有二曰漢西門外石城橋水西門外大街等處是也至於面積界線東面以城爲界其北自草場門外沿城垣南行經漢西門水西門至賽虹橋西折循河道經江東門北行直達草場門對面河道折西東行至草場門止與下關區分界此西區第四分駐所之區域界劃也

按西區所轄地段以二三分駐所爲人烟稠密之區而商民其多數等人民性情良善易爲管束惟城外舊寺爲出入孔道人民程度繁雜動輒爭執械鬪之事自火車通行出入咽喉改從下關凡交通機關皆由轉運局而水漢西門遂爲冷落市場而人民亦遂改爲馴良性質矣此西區之大略情形也

北區警察署駐紮無量庵所轄地方面積共計五十七里五分之一其地東起自竺橋循御史廊抵太平門沿城垣西行經武廟臺城北極關山後北循城垣經豐潤門神策門西行經金川門北行包盧龍山砲台至儀鳳門復南行沿海陵門城垣至草場門折而東行循來慈菴陰陽營朝陽菴經鼓樓東南轉綢市口吉兆營魚市街沿北門橋河道東抵竺橋此北區界線之大畧情形也

北區第一分駐所駐紮在都司巷其所設派出所及消防隊分設之地點統計有五曰太平

橋四牌橋鼓樓南保泰街四處爲派出所曰蓮花橋爲消防隊第三分駐所等處是也至於面積界線自竺橋循御史廊抵太平門止其北面界線由太平門迤西沿城垣至武廟東邊水閘南行沿河溝轉十廟口過保泰街鼓樓東折而西行至二條巷止其西面界線由二條巷南折循水路東行至綢市口止其南面界線由綢市口循吉兆營口折而南行經魚市街轉東沿北門橋河道經通賢橋浮橋直抵竺橋此北區第一分駐所之區域界劃也

北區第二分駐所駐紮在羣益里其所設派出所之地點統計有四曰鼓樓北豐潤門神策門三牌樓等處是也至於面積界線自武廟東邊河溝起沿河溝北行循城垣經豐潤門抵神策門止其北面界線自神策門西循城垣經鍾阜門至金川門止其西面沿金川門鐵路至模範馬路西口折而南行循馬路至鼓樓北止其南面循鼓樓東經保泰街十廟口直抵武廟北此北區第二分駐所之區域界劃也

北區第三分駐所駐紮在神廟庵其所設派出所之地點統計有七曰和會街金川門儀鳳門海陵門清涼古道萊慈菴花家橋等處是也至於面積界線自鼓樓北沿馬路北行至模範馬路口轉東折北循鐵路至金川門折而西行沿城垣北行經小東門止此東面界線也其北面僅包獅子山砲台南行至儀鳳門止其西面界線自儀鳳門沿城垣南行經海陵門定淮門至草場門止其南面界線自草場門東行經萊慈菴陰陽營朝陽菴抵鼓樓北此北

### 區第三分駐所之區域界劃也

按北區地段面積至大而戶口人數獨少所難治理者各國領事府以及僑商均在焉而中國軍隊駐紮者亦多市肆雖不蕃盛而交涉時形棘手此北區之大畧情形也

中區警察署駐紮大行宮所轄地方面積十里六分之一其區域界線東面起自太平橋迤西之鐵路橋沿鐵路南行至利濟巷西行經大行宮南歷吉祥街花牌樓門帘橋五馬街迴象橋至益仁巷西行經奇望街承恩寺穿黑廊街行口坊口至評事街北行至篋橋折而西行過下街口北轉循高井經欣欣園大豐富巷達新街口至北門橋沿河道經通賢橋浮橋至鐵路橋此中區之區域界劃也

中區第一分駐所駐紮在大行宮其所設派出所之地點統計有二曰石板橋如意里等處是也至於面積界線自鐵路橋起沿鐵路南行至利濟巷止其南面則循利濟巷西行過大行宮經碑亭巷至土街口之西止其西面則自新街口北行過糖坊橋估衣廊至北門橋止其北面則沿北門橋河道經通賢橋浮橋至鐵路橋止此中區第一分駐所之區域界劃也

中區第二分駐所駐紮在龍王廟其所設派出所之地點統計有三曰延齡巷臚政牌樓昇平橋等處是也至於面積界線自吉祥街北口起南行經花牌樓門帘橋至四象橋止其南面界線沿四象橋河道西行至內橋止西面則自盧妃巷北行經虹橋至老王府北口止北

面自土街口東口東行經碑亭巷至吉祥街止此中區第二分駐所之區域界劃也

中區第三分駐所駐所在明瓦廊其所設派出所之地點統計有三曰劉軍師橋虹橋泥馬巷等處是也至於海積界線自老王府北口南行至盧妃巷南口止與中二分所分界南面自盧妃巷南口西行經珠寶廊折而南行過鴿子橋循絨莊街西轉行半草巷西口止西面自半草巷西口北行經評事街至篋橋折而西行過下街口北轉循高井經欣欣園大豐富巷至新街口止此中區第三分駐所之區域界劃也

中區第四分駐所駐紮在慧圓街其所設派出所及消防隊分設之地點統計有四曰內橋灣馬巷四象橋三處爲派出所曰承恩寺爲消防隊第一分駐所另有瞭望台一座等處是也至於面積界線自四象橋至益仁巷南口止南面自益仁巷南口西行經奇望街過承恩寺穿黑廊街行口坊口北行經馬巷穿城莊街達鴿子橋止北面則沿鴿子橋河道東行經內橋至四象橋止此中區第四分駐所之區域界劃也

按中區地假人煙稠密而重要機關亦多號爲難治然界內居民在政界商界者多要皆上流人物雖爲繁雜亦易管理此中區之大略情形也

下關警察署駐紮在下關大馬路所轄地方面積共計一十五里四分之一其地自金川門外沿城垣南行至草場門外與西門區爲界西劃江濱全歸管轄共設二分駐所今述於後

下關區第一分駐所駐紮在二馬路其所設派出所之地點統計有三日延壽菴商埠局街湖北街等處是也至於面積界綫自惠民河北口南行至草場門外濠河西行磨張社圩復折而北行順外河圩經商輪碼頭至西砲台北此下關區第一分駐所之區域界劃也

下關區第二分駐所駐紮在靜海寺其所設派出所及消防隊分設之地點統計有三日復興街東砲台二處爲派出所曰鐵路橋爲消防隊第六分駐所另有瞭望台一座等處是也至於面積界綫自金川門外北行沿鐵路包英商和記洋行折而南斜行沿惠民河直達草場門外濠河北此下關區第二分駐所之區域界劃也

按下關區全屬商埠性質土著者多並無豪商大賈特以往來交通便利游人駐足而市肆亦因而發達近年英商和記洋行設立工場招聚數千人駭輒滋事實爲警察所當注意之點此下關區之大略情形也

#### 第四章 各區之街巷地名

本城區域週圍百里有餘其間居民共計八萬餘戶人口達三十萬有奇城內外市廛鱗次櫛比道路縱橫誠中國一大都會也警察任保衛之責設崗巡邏履行偵察則街巷名稱所當熟悉者今將各區街巷地名編輯大概以資尋途之用

城內街道東西南北枝幹縱橫加以河道周流曲屈繚繞因地成市故不得盡取於昔此自



古而已然者今先就其幹路言之城內幹路自東達西者凡五其東以大中橋爲起點自大中橋東行直達下部街抵於城根經通濟門洪武門內其中經兩次兵燹以後屋舍全無居民鮮少是爲幹路之尾闈自大中橋西行偏南經前提學使署察院署過淮清橋經奇望街承恩寺穿黑廊街坊口街口街講堂大街過陡門橋經油市大街至水西門此一幹路也又自大中橋起正西行經中正街過昇平橋珠寶廊羊市橋下街口紅紙廊包朝天宮過古城隍廟軍械局至柏菓樹西北行抵漢西門此亦一幹路也

又自復成橋起西行經復成倉常府街循馬路至花牌樓十字路口止此雖一幹路而未能直達西區者也

又自朝陽門起西行經東安門西安門出西華門過天津橋經大行宮臚政牌樓土街口新街口雙石鼓螺絲灣南行經天主堂西行經金陵神學石橋虎賁倉循牌樓大街豐備倉至漢西門止此又自東至西之一幹路也

又東自後宰門起西行經竺橋北行折而西大影壁過珍珠橋經洪武街至北門橋止此亦一幹路而未罷直達西區者此由東至西之幹路如此

其自南以達於北者自聚寶門起北行經南門大街花市大街大功坊三山大街府東大街過內橋西轉折北經盧妃巷過虹橋經老王府至土街口爲止此由南至北居中之幹路也

其自下關由儀鳳門入城者循馬路東南行經海軍學堂至薩家灣（英領事府在焉）

再東南行經太平橋三牌樓經模範馬路西口車站德國領事府經將軍廟普利庵無量庵至鐘鼓樓黃泥崗唱經樓魚市大街北門橋估衣廊糖坊橋過新街口豐富巷達高井東轉下街口復南轉經評事街入彩霞街出顏料坊三坊巷南轉至聚寶門此自北而南偏西之一大幹路也

本城與下關交通機關以鐘鼓樓爲中樞樞紐自十廟口爲東路南行經瀾市街爲西路自瀾市街過駱橋經金陵大學高家酒店管家橋雙石鼓穿小豐富巷達鳳駕橋冶山道院大王府巷至朝天宮東首此自鼓樓南下偏西之一大幹路也

其自鼓樓東行經基督醫院十廟口至武廟南轉經成賢街過浮橋達碑亭巷東轉由大行宮南行經吉祥街花牌樓經太平街門帘橋過四象橋至大益仁巷穿奇望街至驢子市南轉直達聚寶門止此自鼓樓南下偏東之一大幹路也

其自鼓樓迤南由鳴經樓東首北行經丹鳳街過十廟口經百子亭花街口內柳巷直達神策門止此鼓樓迤北之一大幹路也

其寧省鐵路所經則自下關江口過鮮魚橋（此橋專爲鐵路之用）繞獅子山砲台東行南轉入金川門經三牌樓至丁家橋再東南至無量庵寧省鐵路在焉過此則東行經大鐘亭

江蘇省會警察廳教練所講義

本城地理

十八

北極閣山麓經武廟東南行至督軍公署左側再南行至中正街此鐵路之大概情形也



3111A P  
(4)

6350  
333